

Boletín N° 297. Martes, 29 de diciembre de 1998

- III. ADMINISTRACIÓN LOCAL - III.2 MUNICIPAL - PORTO DO SON

ANUNCIO Pág. 11071 Reg. 20414-PD / 19024.

Anterior

Siguiente

Ordenanzas fiscais

Aprobada definitivamente a modificación das ordenanzas fiscais das taxas que de seguido se detallan, xa que logo non se produciron reclamacións contras as mesmas, publícanse integramente, dando cumprimento ó establecido no artigo 17 da Lei 39/1988, do 28 de decembro.

#### **4.º .-ORDENANZA NÚMERO 10.**

**ORDENANZA REGULADORA DA TAXA POR POSTOS, BARRACAS, CASETA DE VENDA, ESPECTÁCULOS OU ATRACCIÓNS SITUADAS NO TERREO DE USO PÚBLICO E INDUSTRIAS AMBULANTES E RODAXE CINEMATOGRAFICA**

##### **Artigo 1.º .-Concepto.**

De conformidade co previsto no artigo 20 a) da Lei 39/88, do 28 de decembro, reguladora das Facendas Locais, modificada pola Lei 25/1998, do 13 de xullo, este Concello establece a taxa por utilizacións privativas ou aproveitamentos especiais derivados da ocupación da vía pública ou terreos de uso público con postos, barracas, casetas de venda, espectáculos ou atraccións, industrias ambulantes e rodaxe cinematográfica especificado na cota contida no artigo 4.º seguinte, que se rexerá pola presente ordenanza.

##### **Artigo 2.º .-Feito imponible.**

Está constituído pola utilización privativa ou aproveitamento especial do dominio público derivados das instalacións de barracas, casetas de venda, espectáculos ou atraccións, industrias ambulantes e rodaxe cinematográfica na vía pública especificados na cota desta ordenanza.

##### **Artigo 3.º .-Suxeito pasivo.**

Son suxeitos pasivos, en concepto de contribuíntes, as persoas físicas ou xurídicas e as entidades ás que se refire o artigo 33 da Lei Tributaria:

Que gocen, utilicen ou aproveiten especialmente o dominio público local en beneficio particular, conforme a algún dos supostos previstos no artigo 20.3 da Lei de Facendas Locais.

Están obrigados ó pagamento da taxa regulada nesta ordenanza as persoas ou entidades a prol de quen se outorguen as licencias, ou quen se beneficien do aproveitamento, se se procedeu sen a oportuna autorización.

1.-En concreto, a obriga de pagamento da taxa regulada nesta ordenanza nace:

a) Tratándose de concesións de novos aproveitamentos da vía pública, no momento de solicita-la correspondente licencia.

b) Tratándose de concesións de aproveitamentos xa autorizados, o primeiro día de cada un dos períodos naturais de tempo sinalados na cota.

2.-O pagamento da taxa realizarase:

a) Tratándose de concesións de novos aproveitamentos, por ingreso directo na Tesourería municipal ou onde establecece o Concello, pero sempre antes de retira-la correspondente licencia.

Este ingreso terá carácter de depósito previo, de conformidade co disposto no artigo 47.1 da Lei 39/1988, do 28 de decembro, quedando elevado a definitivo ó se concede-la licencia correspondente.

b) Tratándose de concesións de aproveitamentos xa autorizados e prorrogados, unha vez incluídas nos padróns e matrículas desta taxa, por semestres naturais, nas oficinas de recadación municipal, dende o día 16 do primeiro mes do semestre ata o día 15 do segundo.

#### **Artigo 4.º .-Contía.**

A contía da taxa regulada nesta ordenanza será a que figura na seguinte cota:

<b>EPIGRAFE</b>	<b>PESETAS</b>	
	<b>DIARIO</b>	<b>ANUAL</b>
1.-Licencias para a ocupación de terreos destinados a tómbolas, rifas, vendas rápidas e similares. Por cada m <sup>2</sup> ou fracción	10	2.880
2.-Licencias para a ocupación de terreos dedicados a bambáns, aparatos voadores, casetas de tiro, carruaxes, xogos de cabaliños, coches de choque e, en xeral, calquera clase de aparatos de movemento. Por cada m <sup>2</sup> ou fracción	10	2.880
3.-Licencia para a ocupación de terreos destinados a teatros, circos e, en xeral, calquera clase de espectáculos. Por cada m <sup>2</sup> ou fracción,	4	2.880

4.-Licencias para ocupación de terreos destinados á instalación de restaurantes, bares, polbeiras, tabernas e similares. Por cada m <sup>2</sup> ou fracción	10	2.880
5.-Licencias para a ocupación de terreos con camiós ou vehículos para a venda de bocadillos, hamburguesas, chocolates, refrescos, bebidas, froitas, etc. Por cada m <sup>2</sup> ou fracción	175	2.880
A superficie computable será a que realmente ocupe o vehículo, máis unha faixa de terreo de 1 metro de anchura, paralela á fronte da liña exterior ó mostrador ou instalación que se utilice para o uso ou servicio do público		
6.-Licencias para a ocupación de terreos destinados á instalación de chocolatería, masa frita, patacas fritidas, xelados e algodón en doce. Por cada m <sup>2</sup> ou fracción	10	2.880
7.-Licencias para a ocupación de terreos destinados á instalación de postos para a venda de turróns, roscóns, doces, froitos secos, froitas e hortalizas, queixos, ovos, patacas e calesquera outros produtos comestibles. Por cada m <sup>2</sup> ou fracción	75	2.880
8.-Licencias para a ocupación de terreos destinados á instalación de casetas ou postos para a venda de xoguetes, cerámicas, bixutería e calesquera outros produtos ou artigos non comestibles. Por cada m <sup>2</sup> ou fracción	75	2.880
9.-Fotógrafos, debuxantes e caricaturistas	95	4.500
Os artefactos que se utilicen como complemento das súas actividades pagarán por cada m <sup>2</sup> ou fracción	10	2.880
10.-Licencias para a venda ambulante, no brazo, de globos, bastóns, barquillos e calesquera outra clase de artigos	85	2.200
Os vendedores ós que se refire este epígrafe non poderán utilizar carros, carriños, vehículos, mesas, nin ningún outro artefacto apoiado no chan		
11.-Licencias para a ocupación de terreos destinados a locais para a venda de entradas das instalacións de aparatos, espectáculos, teatros, circos, etc., sempre que estean colocados fóra da superficie subastada ou adxudicada. Por cada m <sup>2</sup> ou fracción	85	2.100
12.-Licencias para a instalación de aparatos automáticos accionados por moedas, para entretemento, recreo ou venda. Por cada m <sup>2</sup> ou fracción	112	3.500
13.-Licencia para ocupacións de terreos con postos para a venda de libros, revistas, etc. Por cada m <sup>2</sup> ou fracción	85	2.100
14.-Pola ocupación da vía pública ou terreos de uso público para a rodaxe de películas. Por cada m <sup>2</sup> ou fracción	850	
Cota mínima deste epígrafe	4.500	

O Concello poderá establecer, para determinada tempada, os terreos municipais de uso público, nos que permitira a instalación de teatros, cinematógrafos, circos ou outros espectáculos e adxudica-los devanditos terreos mediante licitación, conforme ás vixentes normas de contratación municipal.

As adxudicacións faranse por tempada concreta, con expresión de data a data, e se a ocupación continuara pasado o último día, liquidaranse os días de prórroga proporcionalmente ó prezo ó que fose adxudicado.

Os dereitos fixados na cota anterior, así como o importe da adxudicación mediante subhasta, enténdese pola concesión da ocupación, independentemente de que a actividade se leve ou non a cabo, polo que non poderá concederse bonificación ningunha por causa de chuvias, restriccións no subministro de enerxía eléctrica ou calquera outra de forza maior.

As instalacións serán montadas e desmontadas no prazo máximo de dous días, antes e despois, respectivamente, do tempo polo que se faga a adxudicación ou se conceda a licencia, retribuíndose, noutro caso, os dereitos correspondentes por cada día de exceso.

#### **Artigo 5.-Normas de xestión**

1. As cantidades esixibles de acordo coa cota liquidaranse por cada aproveitamento solicitado ou realizado e serán irreductibles polo período de tempo autorizado.

2.a) Os emprazamentos, instalacións, postos, etc., poderán sacarse a licitación pública, e o tipo de licitación en concepto de taxa mínimo que servirá de base será a contía fixada na cota desta ordenanza.

b) Procederase, con antelación á subhasta, á formación dun plano dos terreos disponibles para ser subastados, numerando as parcelas que vaian ser obxecto de licitación e sinalando a súa superficie. Así mesmo, indicaranse as parcelas que poden dedicarse a coches de choque, circos, teatros, bares, restaurantes, polbeiras, bixuterías, etc.

c) Se algún concesionario dos aproveitamentos utilizase maior superficie que a que lle foi adxudicada en subhasta ou autorizada na licencia, satisfará, por cada metro cadrado utilizado de máis, o ... por 100 do importe da poxa ou licencia, ademais do importe do remate ou da contía fixada pola cota, respectivamente.

3. a) As persoas ou entidades interesadas na concesión de aproveitamentos regulados nesta ordenanza e non sacados a licitación pública deberán solicitar previamente a correspondente licencia, realiza-lo depósito previo a que se refire o artigo 3.2 a) e formular declaración na que conste a superficie do aproveitamento e os elementos que se van a instalar, así como un plano detallado da superficie que se pretende ocupar e da súa situación dentro do municipio.

b) Os servizos técnicos deste Concello comprobarán e investigarán as declaracións formuladas polos interesados, concedéndose as autorizacións de non encontrar diferencias coas peticións de licencias; se se deran diferencias, notificaranse as mesmas ós interesados e xiraranse, no seu caso, as liquidacións complementarias que procedan,

concedéndose as autorizacións unha vez emendadas as diferencias polos interesados e, no seu caso, realizados os ingresos complementarios que procedan.

c) No caso de se denega-las autorizacións, os interesados poderán solicitar a este Concello a devolución do importe ingresado.

4. Non se consentirá ningunha ocupación da vía pública ata que se sexa aboado e obtido polos interesados a licencia correspondente.

5. As autorizacións terán carácter persoal e non poderán ser cedidas ou subarrendadas a terceiros. O incumprimento deste mandato dará lugar á anulación da licencia, sen prexuízo das contías que corresponda aboar ós interesados.

#### **Artigo 6.º**

Esta ordenanza comezará a rexe-lo 1 de xaneiro de 1999, conforme establece a Lei 25/1998, do 13 de xullo.